

春秋公羊經傳解詁

七



春秋公羊經傳解詁昭公第十

何休學



元年春王正月公即位叔孫豹會晉趙武

楚公子圍齊國酌宋向戌衛石惡陳公子

招蔡公孫歸生鄭軒虎許人曹人于漵惡

皆與君同名不正之者正之當貶貶之嫌此陳侯之弟

招也何以不稱弟據八年貶曷為貶據八年殺

偃師猶不為殺世子偃師貶曰陳侯之弟招殺陳

世子偃師大夫相殺稱人此其稱名氏以

殺何難八言將自是弑君也明其欲弑君故令與弑

君本謀今將爾詞曷為與親弑者同君親無

將將而必誅焉然則曷為不於其弑焉貶

據未以親者弑然後其罪惡甚春秋不待貶

絕而罪惡見者不貶絕以見罪惡也據殺偃

貶絕然後罪惡見者貶絕以見罪惡也招稱

及楚人討夏徵今招之罪已重矣曷為復貶乎

舒貶皆是也此據棄疾著招之有罪也何著乎招之有罪

不著言楚之託乎討招以滅陳也起楚託

滅陳意也所以起之者八年先言滅後言執託討招三月

取運運者何內之邑也其言取之何據自魯

之有

不聽也

不聽者叛也不言叛者為內諱故書取以起之

故書取月者

夏秦伯之弟鍼出奔晉秦無大

夫此何以書仕諸晉也

為仕之於晉書

曷為仕諸晉

據國地足以祿之

有千乘之國

十井為一乘公侯封方百里凡千乘伯四百九十乘子男

二百五十乘時秦侵伐自廣大故曰千乘

而不能容其母弟故君子

謂之出奔也

弟賢當任用之不肖當安處之乃仕之他國與逐之無異故云爾

六月

丁巳邾婁子華卒晉荀吳帥師敗狄于大

原此大鹵也曷為謂之大原

據讀言大原也

地物從

中國

以中國形名言之所以曉中國教殊俗也

邑人名從主人

邑人名自夷狄所名

也不若地物有形名可得正故從夷狄辭言之

原者何上平曰原下平曰

大二三

公羊十

癸丑重刊

二

李大亨

隰

分別之者地勢各有所生原宜粟隰宜麥當教民所宜因以制貢賦

秋莒去疾自齊

入于莒莒展出奔吳

主書去疾者重篡也莒無大夫書展者起與去疾爭篡當

國出奔言自齊者當坐有力也皆不氏者當國也不從莒無大夫去氏者莒殺意恢稱公子篡重不嫌本不當氏 叔

弓帥師疆運田疆運田者何與莒為竟也

疆竟也與莒是正竟界若言城中丘

與莒為竟則曷為帥師而往

據非 畏莒也

畏莒有賊臣亂子而與師與之

葬邾婁

悼公冬十有一月己酉楚子卷卒楚公子

比出奔晉

辟內難也

二年春晉侯使韓起來聘夏叔弓如晉秋

鄭殺其大夫公孫黑冬公如晉至河乃復

其言至河乃復何括公如晉次于乾侯而還言至目乾侯不言至乾侯乃復不

敢進也乃難辭也時聞晉欲執之不取往君子笑見與恥見距故諱使若至河河水有難而反季

孫宿如晉

三年春王正月丁未滕子泉卒夏叔弓如

滕五月葬滕成公月者襄公上葬諸侯莫肯加禮獨滕子來會葬故恩錄之明公當自行不

當遣大夫失禮尤重以責內秋小邾婁子來朝八月大雩先是公季

冬大雨雹為季氏北燕伯款出奔齊名者

所見世著治大平責小國詳錄出奔當誅

四年春王正月大雨雪為季氏夏楚子蔡侯

陳侯鄭伯許男徐子滕子頓子胡子沈子

大子世

公羊十

三

古同安同

小邾婁子宋世子佐淮夷會于申不殊淮夷者楚子主

會行義故君子不殊其類所以順楚而病中國楚人執徐子秋七月楚

子蔡侯陳侯許男頓子胡子沈子淮夷伐

吳執齊慶封殺之此伐吳也其言執齊慶

封何為齊誅也故繫之齊其為齊誅奈何慶封

走之吳以襄公二十八年奔魯自是走之吳不書者以絕于齊在魯不復為大夫賤故不復錄之吳

封之於防不書入防者使防繫吳嫌犯吳也去吳嫌齊邑也然則曷為不

言伐防括防已為國不與諸侯專封也故奪言伐吳慶封

之罪何脅齊君而亂齊國也道為齊誅意也稱侯而執者伯討也

月者善義兵遂滅厲莊王滅蕭日此不日者靈王非賢責之略九月取郟其

言取之何言滅滅之也滅之則其言取之

何内大惡諱也因郈上有滅文冬十有二月乙

卯叔孫豹卒

五年春王正月舍中軍舍中軍者何復古

也善復也然則曷為不言三卿此乃解上作三軍等問

解言三卿五亦有中三亦有中此乃解上作三軍時

言中軍者五亦有中三亦有中不知何中也今此据上作三軍

不言中則益三之中舍三之中皆可知也第子本据上言作三

難下中不言三也如師解言本益中故下言舍中為其將復据

下中難上不言中故解上以解下如此則下不言三亦可也

不言卿者欲同上下文以相起傳不足解楚殺其大

夫屈申公如晉夏莒莒牟夷以牟婁及防茲

來奔莒牟夷者何莒大夫也莒無大夫此

何以書重地也其言及防茲來奔何据漆

不言及高不以私邑累公邑也公邑君邑也私邑臣邑

張言及秋七月公至自晉戊辰叔弓帥

師敗莒師于瀆泉瀆泉者何直泉也直泉

者何涌泉也蓋戰而涌為異也不傳異者外里不書此

鬪百姓悲怨歎息氣逆之所致故因以秦伯卒何以

不名据諸秦者夷也匿其嫡之名也嫡子生不以

擇勇猛者其名何据秦伯嫡得之也嫡得立之冬

楚子蔡侯陳侯許男頓子沈子徐人越人

大九十五

公羊十一

四

四

伐吳

吳未服慶封之罪故也越稱人者俱助義兵意進于淮夷故加人以進之義兵不月者進越為義兵明故省文

六年春王正月杞伯益姑卒

不日者行微弱故略之上城杞已賤

復卒略之者八所見此責小國詳始錄內行也諸侯內行小矢不可勝書故於終略責之見其善

葬秦

景公夏季孫宿如晉日葬杞文公宋華

合比山奔衛秋九月大雩

先是季孫宿如晉是後叔弓與公比如楚有豫

賦之煩也楚遠頗帥師伐吳冬叔弓如楚齊侯

伐北燕

七年春王正月暨齊平

書者善錄內也不出主名者君相與平國中皆安故

以舉國體言之月者刺內暨暨也時魯方結婚于吳外慕強楚故不汲汲于齊

三月公如楚叔

孫舍如齊莅盟夏四月甲辰朔日有食之

二月

公羊十一

五

道

是後楚滅陳楚弑其君于乾谿秋八月戊辰衛侯惡卒九月公

至自楚冬十有一月癸未季孫宿卒十有

二月癸亥葬衛襄公

當時而日者卅三有惡疾不旱廢之臨死乃命臣下廢

之自下廢上鮮不為亂故危錄之

八年春陳侯之弟招殺陳世子偃師

說在元年變其

言陳者起招致楚滅陳自此始故重舉國

夏四月辛丑陳侯溺卒叔

弓如晉楚人執陳行人于郢師殺之陳公

子留出奔鄭秋蒐于紅蒐者何簡車徒也

徒何以書葦皿以罕書也

說在六年

陳人殺其大

夫公子過大雩

先見公如楚少年乃歸費多賦重所致

冬十月壬

午楚師滅陳執陳公子招放之于越殺陳

孔瑋葬陳哀公日者疾詐讓滅人也不舉滅為重復善三事言執者疾讓託義故列見之託義

不先書者本懷滅心重舉陳者上已言滅不復重舉無以明

九年春叔弓會楚子于陳陳已滅復見者從地名錄猶宋部以邑錄

不南半小地者顧後當存許遷于夷夏四月陳火陳已滅

矣其言陳火何據災異為有國者戒存陳也陳已滅復火者死灰復燃之象

也此天意欲存之故從有國記災曰存陳悌矣書火存陳者若曰曷

為存陳據災非一天意曷為悲陳而存之滅人之國執人之罪

人罪人招也殺人之賊孔瑋弑君賊也葬人之君若是則陳

存悌矣楚為無道託討賊行義陳臣子辟門虛心待之而滅其國若是則天存之者悲之也不書孔瑋

大二十廿四三五八

公羊

六

弑君者本為招弑當舉招為重方不與楚討賊故沒招正賊文以將與上貶起之月者閔之秋仲孫

矍如齊冬築郎囿

十年春王正月夏晉欒施來奔秋七月季

孫隱如叔弓仲孫矍帥師伐莒戊子晉侯

彪卒九月叔孫舍如晉葬晉平公十有二

月甲子宋公戌卒去冬者蓋昭公取吳孟子之年故貶之

十有一年春王正月叔弓如宋葬宋平公

夏四月丁巳楚子虔誘蔡侯般殺之于申

楚子虔何以名據誘戎曼子不名絕曷為絕之據俱誘之

其誘討也使不自知而死故加誘此討賊也蔡侯般弑雖誘父而立

之則曷為絕之括與莊王外懷惡而討不義

君子不予也內懷利國之心而外託討賊故不與其討賊而責其誘詐也地者起以好會誘之

楚公子棄疾帥師圍蔡五月甲申夫人歸

氏薨大蒐于比蒲大蒐者何簡車徒也何

以書蓋以罕書也說在相六年仲孫貜會邾婁

子盟于侵羊不日者蓋諱喪盟使若議結善事秋季孫隱如

會晉韓起齊國酌宋華亥衛北宮佗鄭

軒虎曹人祀人于屈銀九月己亥葬我小

君齊歸齊歸者何昭公之母也歸氏胡女襄公嫡夫

人冬十有一月丁酉楚師滅蔡執蔡世

大三百九十字小三百十字

公羊十

一

念安

子有以歸用之此未踰年之君也其稱世

子何括陳子也不君靈公不成其子也靈公即般也

與靈公坐弑之誅不得為君也不其子不成有得稱子繼父也上不與楚誘討嫌有不當絕故正之云耳不君

靈公則曷為不成其子括惡惡止其身誅君之

子不立雖不與楚誘討其惡坐弑父誅當以誅君論之故云爾言執者時楚託義滅之非

怒也無繼也父誅子當絕惡乎用之用之防也其

用之防柰何蓋以築防也持其足以頭築防惡不仁疾之已甚亂也日者疾讓滅人

十有二年春齊高偃帥師納北燕伯于

陽伯于陽者何即納上伯款非犯父命不當言于陽又微國出入不兩書伯不當再出故

斷三字 公子陽生也子曰我乃知之矣子謂孔子乃

是歲也時孔子年二十三具知其事後作春秋 案史記知公誤為伯子誤為于陽在生刊滅闕在側

者曰子苟知之何以不革曰如爾所不知

何如猶柰也猶曰柰女所不知何寧可強更之乎此夫子欲為後人法不欲令人妄億措子絕四母意母必

母我固 春秋之信史也其序則齊桓晉文

唯齊桓晉文會能以德 其會則主會者為之

也非齊桓晉文則如主會者為之雖 其詞則立有罪

焉爾立孔子名其貶絕譏刺之辭有所失者是立之罪

所冀出奔者微國雖未踰年吾猶不錄不足陽三月壬 申鄭伯嘉卒夏宋公使華定來聘公如

大二十小二十五十六 公羊十 八 周達

晉至河乃復五月葬鄭簡公楚殺其六

夫成然秋七月冬十月公子整出奔齊楚

子伐徐晉伐鮮虞謂之晉者中國以無義故為夷

懼然去而與晉會二屈銀下因以大綏諸侯先之以 十有三年春叔弓帥師圍費夏四月楚公

子比自晉歸于楚弑其君虔于乾谿此弑

其君其言歸何据齊陽生入 歸無惡於弑立

也歸無惡於弑立者何靈王為無道作乾

谿之臺三年不成楚公子棄疾脅比而立

之然後令于乾谿之役曰比已立矣後歸

歸

者不得復其田里衆罷而去之靈王經

而死時棄疾詐告比得晉力可以歸至而脅立之比之義

本無弑君而立之意加弑責之爾不日者惡靈王無道封內地者起禍所由因以為戒

疾弑公子比比已立矣其稱公子何據齊

商人結其君舍其意不當也知其脅其意不當則曷

為加弑焉爾朝不貶比之義宜乎效死不

立大夫相殺稱人此其稱名氏以弑何

據經言弑言將自是為君也故使與弑君而立者

實已立嫌觸實公子秋公會劉子晉侯齊侯宋

公衛侯鄭伯曹伯莒子邾婁子滕子薛

大ニマ車

公羊十

九

伯杞伯小邾婁子于平丘八月甲戌同

盟于平丘不舉重者起諸侯欲計棄疾故詳錄之公

不與盟晉人執季孫隱如以歸公至自

會公不與盟者何公不見與盟也時晉主

如楚不肯與公盟故諱公不見與盟大夫執何

以致會乃致會不恥也曷為不恥據虐之會公

諸侯遂亂反陳蔡君子不恥不與焉時諸

征棄疾棄疾乃封陳蔡之君使說諸侯諸侯從陳蔡之君言

還反不復討楚楚亂遂成故云爾公不與盟不書成楚亂者時

不受賂也諸侯實不與公盟而言公不與盟者蔡侯廬

歸于蔡陳侯吳歸于陳此皆滅國也其

言歸何有國辭者不與諸侯專封也故使若有國自歸者也名

者專受其封當誅書者因以起楚封之所以能起之者上有存陳文陳見滅無君所責又蔡季以望見殺但不成其子不絕其國即諸侯存冬十月葬蔡靈公書葬者經不與楚討嫌不

之當有文實也冬十月葬蔡靈公書葬者經不與楚討嫌不

可責復讎故書葬明當從公如晉至河乃復吳

滅州來不日者略兩夷

十有四年春隱如至自晉三月曹伯滕卒

夏四月秋葬曹武公八月莒子去疾卒昭

不日不書葬者本篡故因不序冬莒殺其公子意恢書殺公子

者未踰年而殺其君之子不孝九甚故重而錄之稱氏者明君之子

十有五年春王正月吳子夷昧卒二月癸酉有事于武宮齋入叔弓卒去樂卒事其

言去樂卒事何據入者言萬去籥禮也以加錄卒

但當言去樂而已志去籥矣愬言樂者明悉去也君有事于廟聞大夫之

喪去樂恩痛不忍舉卒事祭事大夫聞君之喪攝

主而往主謂已主祭者臣聞君之喪義不可以不即行故使兄弟若宗人攝行主事而往不廢祭者古

禮也古有分主無分民大夫不世已父未必為大夫聞

大夫之喪尸事畢而往賓尸事畢而往夏蔡

昭吳奔鄭不言出者始封名二歸嫌與天子歸六

月丁巳朔日有食之并十一年食蓋與秋晉荀

吳帥師伐鮮虞冬公如晉

十有六年春齊侯伐徐楚子誘戎曼子殺

之楚子何以不名據誘蔡侯名夷狄相誘君子不疾

也曷為不疾據俱誘也若不疾乃疾之也以為固當常然者乃所以

為惡也顧以無知薄責之戎曼稱子者入昭公見王道大平百蠻貢職夷狄皆進至其爵不日者本不卒不地者略也夏

公至自晉秋八月己亥晉侯夷卒九月大

雩先是公數如晉季孫隱如如晉冬十月葬晉昭公

十有七年春小邾婁子來朝夏六月甲戌

朔日有食之秋郟子來朝八月晉荀吳帥

師滅賁渾戎冬有星孛于大辰孛者何彗

星也三字皆發問者或言入或言于或言方嫌為孛異猶問錄之其言于大辰何

大三卅小三四二公羊十 癸丑重刊 十一 余元

據北斗言入于大辰非常名在大辰也大辰者何大火也謂心

大火為大辰伐為大辰伐謂參伐也大火與伐天所以示民時早晚天下所

取正故謂之大辰辰時也北辰亦為大辰北辰北極天之中也常居其所迷惑不知東西者須

視北辰以別心伐所在故何以書記異也心者天子明堂布政之宮亦為

孛彗者邪亂之氣掃故置新之象是楚人及吳戰于長

岸詐戰不言戰此其言戰何據於越敗吳于醉李敵也

俱無勝負不可言敗故言戰也不月者略兩夷

十有八年春王三月曹伯須卒夏五月壬

午宋衛陳鄭災何以書記異也何異爾異

其同日而俱災也外異不書此何以書為

天下記異也

詩云其儀不忒正是四國四國天下象也

俱災若曰無

六月邾婁人入郕秋葬曹平公冬

許遷于白羽

十有九年春宋公伐邾婁夏五月戊辰許

世子止弒其君買

蔡世子般弒父不忍日此

己卯

地震

季氏稍盛宋南里以叛王室大亂諸侯莫肯救晉人圍郊吳勝雞父尹氏立王子朝之應

秋齊

高發帥師伐莒冬葬許悼公賊未討何以

書葬不成于弒也曷為不成于弒

據將而

止進藥而藥殺也

時悼公病止進藥悼公飲藥而死

止進藥

而藥殺則曷為加弒焉爾

善意

譏子道之

二十五年

公羊十

癸丑重刊

十二

翁定

不盡也其譏子道之不盡奈何曰樂正子

春之視疾也

樂正子春曾子弟子以孝名聞

復加一飯則脫

然愈復損一飯則脫然愈復加一衣則脫

然愈復損一衣則脫然愈

脫然疾除貌也言消息得其節

止

進藥而藥殺是以君子加弒焉爾

失其消息多少

之曰許世子止弒其君買是君子之聽止

也

聽治

葬許悼公是君子之赦止也

原止

本欲愈父之病無

害父之意故赦之赦止者免止之罪辭也

明止

免罪不得繼父後許男斯代立無惡文是也

二十年春王正月夏曹公孫會自鄆出奔

宋奔未有言自者此其言自何

拾始出奔未有言此者與宋華

亥入宋南里復出奔異

畔也

時會盜鄰以奔宋 畔則曷為不三言其

畔

言叛者當言以鄰如邾婁庶期

為公子喜時之後諱也春秋

為賢者諱

諱使若從鄰出奔者故與自南里同文

何賢乎公子

喜時

據喜時不書

讓國也其讓國柰何曹伯廬

卒于師

在成十三年

則未知公子喜時從與

喜時曹伯

廬

公子負芻從與

負芻喜時從兄 或為主于國或

為主于師

首者諸侯師出世子率與守國次宜為君者持推絮從所以備不虞或時疾病相代

行本史文不具故傳疑之

公子喜時見公子負芻之當主

也遂巡而退賢公子喜時則曷為為會諱

太二十七下二十六

公羊十

十三

富

君子之善善也長惡惡也短惡惡止其身

不遷怒也

善善及子孫賢者子孫故君子為之

諱也

君子不使行善者有後患故以喜時之讓除會之叛不通鄰為國如通濫者喜時本正當立有明王與當

還國明叔術功惡相除裁足通濫爾

秋盜殺衛侯之兄輒母兄稱

兄兄何以不立

據立嫡以長

有疾也何疾爾惡疾

也

惡疾謂瘖聾盲癘禿跛偃不逮人倫之屬也書者惡衛侯兄有疾不憐傷厚遇營衛不固至今見殺失親親也

公子不言之兄弟言之者敵體辭嫌於尊卑不明故加之以絕之所

冬十月宋華

亥向甯華定出奔陳

月者危三大夫同時出奔將為國家惠明當防之

有一月辛卯蔡侯廬卒

二十有一年春王三月葬蔡平公夏晉侯

使士鞅來聘宋華亥向甯華定自陳入于

宋南里以畔宋南里者何若曰因諸者然

因諸者齊放刑人之地公羊子齊人故以齊喻也宋樂大心自曹入于蕭不言宋言宋南里者略叛臣從刑人于國家尤危故重

舉國 秋七月壬午朔日有食之是後周八月有篡禍

乙亥叔痤卒冬蔡侯朱出奔楚出奔者為東國所篡也大

國奔例月此時者惡背中國而與楚故略之公如晉至河乃復

二十有二年春齊侯伐莒宋華亥向甯華定

自宋南里出奔楚前出奔已絕賤復錄者以故大也言自者別從國去

大蒐于昌姦夏四月乙丑天王崩

六月叔鞅如京師葬景王王室亂謂王猛何

言乎王室亂據天子之居稱京師天王入于言不

及外也宮謂之室刺周家之微邪庶並篡無一諸侯之助成周言王室者正王以責諸侯也傳不事事悉解者言不

及外外當責之故正王可知也不為天子諱者方責天下不救劉子單子以王猛居于皇其稱王猛

何據未踰年已當國也時欲當王者位故稱王猛見當

為重者時猛尚幼以二子為計勢故加以以秋劉子單

者行二子意辭也二子不舉重者尊同權等

子以王猛入于王城王城者何西周也時居

邑自號其言入何據非篡辭也時雖不入成周已

西周王置官自號西周故從篡辭言入起其事也不言西周者正之無二京師也不月者本無此國無可與別輕重也

十月王子猛卒此未踰年之君也其稱王

子猛卒何据子卒不言名外未踰年君不當卒不與當也不與當

者不與當父死子繼兄死弟及之辭也春

篡成者皆與使當君之父死子繼兄死弟及者篡所緣得位成爲君辭也猛未悉得京師未得成王又外未踰年君二者皆不當卒卒又名者非與使當成爲君也嫌上入無成周文非篡辭故從得位卒明其爲篡也月者方以得位明事故從外未踰年君例十有二月癸酉朔日有食之是後晉人圍郊犯天子邑

二十有三年春王正月叔孫舍如晉癸丑

叔鞅卒晉人執我行人叔孫舍晉人圍郊

郊者何天子之邑也天子間田有大夫主之曷爲不繫

于周不與伐天子也與侵柳同義夏六月蔡侯東

國卒于楚不日者惡背中國而與楚故略之月者比附父讎責之淺也不書葬者篡也篡不書者

公羊十 癸丑重刊 十五 高寧

以惡朱在三年之內不共悲哀舉錯無度失衆見篡秋七月莒子庚與來奔

戊辰吳敗頓胡沈蔡陳許之師于雞父胡

子鬃沈子楹滅獲陳夏齧此偏戰也曷爲

以詐戰之辭言之据甲戌齊國書及吳戰于艾陵俱與夷狄言戰今此從詐戰辭言敗

不與夷狄之主中國也序上言戰別客主人直不直也今吳序上而言戰則

主中國辭也然則曷爲不使中國主之据齊國書主吳中國

亦新夷狄也中國所以異于夷狄者以其能尊尊也王室亂莫肯救君臣上下壞敗亦新有

夷狄之行故不使主之不稱國國出師者賤略之言之師者辟許獨稱師上五國稱國之嫌其言滅

獲何据蔡公孫歸生滅沈以沈子嘉歸殺之國言滅君言殺又獲晉侯言獲此陳夏齧亦言獲君大夫無

別君臣也君死于位曰滅生得曰獲大夫

生死皆曰獲

大夫不世故不別死位

不與夷狄之主中國

則其言獲陳夏齧何

据荆敗蔡師于莘以蔡侯獻舞歸不言獲

吳少

進也

能結日偏戰行少進故從中國辭治之鬃楹下云滅者死戰當加禮使若自卒相順也經先舉敗文

嫌敗走及殺之故以自滅為文明本死位乃敗之爾名者從赴辭也

天王居于狄泉

此未三年其稱天王何

据毛伯來求金不稱天王

著有天

子也

時庶孽並篡天王失位徙居微弱甚故急著正其號明天下當救其難而事之

尹氏立

王子朝

貶言尹氏者著世卿之權尹氏貶王子朝不貶者年未滿十歲未知欲富貴不當坐明罪在尹

氏 八月乙未地震

是時猛朝更起與王爭入遂至數年晉陵周竟吳敗六國季氏

逐昭公吳光弑僚滅徐故日至三食地為再動

冬公如晉至河公有疾乃

復何言乎公有疾乃復

据上比乃復不言有疾

殺恥

大九四

公羊十

癸丑重刊

十六

高定

也

因有疾以殺畏晉之恥舉公者重疾也子之所慎齊戰疾

二十有四年春王二月丙戌仲孫矍卒叔

孫舍至自晉夏五月乙未朔日有食之

是後

季氏逐昭公吳滅巢弑其君僚又滅徐

秋八月大雩

先是公如晉仲孫矍卒民被其役明

年叔倪出會故秋七月復大雩

丁酉杞伯鬱釐卒冬吳滅巢

葬杞平公

二十有五年春叔孫舍如宋夏叔倪會晉

趙鞅宋樂世心衛北宮喜鄭游吉曹人邾

婁人滕人薛人小邾婁人于黃父有鸛鴈

來巢何以書記異也何異爾非中國之禽

也宜穴又巢也

非中國之禽而來居此國將危亡之象鶴鴝猶權欲宜穴又巢此權臣

欲國自下居上之徵也

秋七月上辛大雩季辛又

雩又雩者何又雩者非雩也聚眾以逐

季氏也

一月不當再舉雩言又雩者起非雩也昭公依託上雩生事聚眾欲以逐季氏不書逐季

氏者諱不能逐反起下孫及為所敗故因雩起其事也但舉不舉辰者辰不同不可相為上下又日為君辰為臣

張本不言下辛言季辛者起季氏不執下而逐君九

月己亥公孫于齊次于揚州

地者臣子痛君失位詳錄所舍止

齊侯唁公于野井唁公者何昭公將弑季

氏

傳言弑者從昭公之辭

告子家駒曰季氏為無道僭

於公室久矣

諸侯稱公室

吾欲弑之何如

昭公素畏季氏意者

六十七

公羊十

十七

周

以為如人君故言弑

子家駒曰諸侯僭於天子大夫僭

於諸侯久矣昭公曰五一何僭矣哉

失禮成俗不自知也

子家駒曰設兩觀

禮天子諸侯臺門天子外闕兩觀諸侯內闕一觀

乘

大路

禮天子大路諸侯路車大夫大車士飾車

朱干

干楯也以朱飾楯

玉戚

戚斧也以玉飾

以舞大夏

大夏夏樂也周所以舞夏樂者王者始起未制作之時取先王之樂與已同者

假以風化天下天下大同乃自作樂取夏樂者與周俱文也王者舞六樂于宗廟之中舞先王之樂明有法也舞已之樂

明有制也舞四夷之樂大德廣及之也東夷之樂曰八佾

八佾

以舞大武此皆天子之禮也且夫牛馬維

婁

繫馬曰維繫牛曰婁

委已者也

委食己者

而柔焉

柔順

季氏

得民衆久矣

季氏專賞罰得民衆之心久矣民順從之猶牛馬之於委食己者

君無

多辱焉

恐民必不從君命而為季氏用反逐君故云

昭公先自正

昭公不從其言終弑之而敗焉

乃正季氏

走之齊齊侯唁公于野井

甲亡國曰唁弔死國曰

為季氏所逐

曰柰何君去魯國之社稷昭

公曰喪人

自謂亡人

不佞善失守魯國之社稷執

事以羞

謙自比齊下執事言以羞及君

再拜顙

顙者猶今叩頭

慶

子家駒

慶賀

曰慶子免君於大難矣子家駒

曰臣不佞陷君於大難君不忍加之以鈇

鎖賜之以死

鈇鎖要斬之罪即所錫之以死

再拜顙

謝為齊侯所慶

高

子執簞食

簞葦器也圓曰簞方曰筥食即下所致糗也

與四脰脯

屈

又分十

公羊十

癸子重刊

十八

虞大全

駒申

國子執壺漿

壺禮器腹方口圓曰壺反之曰方壺有爵飾

曰吾寡

君聞君在外餽饗未就

餽孰食饗孰肉未就未成也解所以致糗意

敢致糗于從者

糗糲也謙不敢斥魯侯故言從者

昭公曰君不

忘吾先君延及喪人錫之以大禮再拜稽

首以衽受

衽衣下裳當前者之器謙不敢求索

高子曰有夫不祥

猶曰人皆君無所辱大禮

禮臣受君錫答拜謂之拜命之辱高子見昭公

拜辱大卑故曰君無所辱大禮

昭公蓋祭而不嘗

食必祭者謙不敢便嘗示有所

先不嘗者待禮讓也

景公曰寡人有不腆先君之服未

之敢服

腆厚也服謂齊侯所著衣服也言未敢服者見魯侯乃敢服之謙辭也禮天子朝皮弁夕玄端朝服

以聽朝玄端以燕皮弁以征不義取禽獸行射諸侯朝朝服夕深衣玄端以燕裨冕以朝天子以祭其祖禰卿大夫

冕服而助君祭朝服其祖禰士爵弁黻衣裳以助公祭玄端以祭其祖禰有不腆先君之

器器請上所執箎壺未之敢用敢以請請行昭公曰

喪人不佞失守魯國之社稷執事以羞敢

辱大禮敢辭不敢當大禮故以辭景公曰寡人有不腆

先君之服未之敢服有不腆先君之器未之

敢用敢固以請昭公曰以吾宗廟之在魯

也以我宗廟在魯時有先君之服未之能以服有先

君之器未之能以出敢固辭已有時未能以事人今已無有義不

可以受禮景公曰寡人有不腆先君之服未之

敢服有不腆先君之器未之敢用請以饗

小三十三

公羊十

九

水

乎從者欲令受之故益謙言從者昭公曰喪人其何稱行禮賓主當各

有所稱時齊侯以諸侯遇禮接昭公昭公自嫌失國不敢以故稱自稱故執謙問之景公曰孰

君而無稱猶曰誰為君者而言無所稱乎昭公非君乎昭公於是噉然

而哭噉然哭聲貌感謂大夫皆哭魯諸大夫從昭公者既哭

以人為菑菑周埒垣也所以分別內外以辟為席

辟車覆也以安革為几以遇禮相見以諸侯出相見孔

子曰其禮與其辭足觀矣言昭公素能若此禍不至是主書者喜為

大國所唁地者痛錄公明臣子當夏納公也冬十月戊辰叔孫舍卒十

有一月己亥宋公佐卒于曲棘曲棘者何

宋之邑也諸侯卒其封內不地此何以地

憂內也

時宋公聞昭公見逐欲憂納之至曲棘而卒故恩錄之

十有二月齊

侯取運外取邑不書此何以書為公取之也

為公取運以居公善其憂內故書不舉伐者以言語從季氏取之月者善錄齊侯

二十有六年春王正月葬宋元公三月公

至自齊居于運

月者閔公失國居運致者明臣子當憂納公不當使居運後不復月者始

錄可知

夏公圍成

書者惡公失國幸而得運不脩文德以

國俱叛故不得復以叛為重不從定公又以親圍下邑為譏者昭無臣子入即如定公當致也

秋公會

齊侯莒子邾婁子杞伯盟于鄆陵

不月者時諸侯相與

約欲納公故內喜為大信辭

公至自會居于運

致會者責臣子明公已得意于

諸侯不憂助納之而使居于運

九月庚申楚子居卒冬十月

二十六

公生十

癸丑重刊

二十

虞大奎

天王入于成周成周者何東周也

是時王猛自號為西

周天下因謂成周為東周

其言入何

據入者

不嫌也

上言天王著有天子已明

不嫌為篡主言入者起其難也不言京師者起正居在成周實外之月者為天下喜錄王者反正位

尹氏

召伯毛伯以王子朝奔楚

立王子朝獨舉尹氏出奔并舉召伯毛伯

者明本在尹氏當先誅渠帥後治其黨猶楚嬰齊

二十有七年春公如齊公至自齊居于運

夏四月吳弑其君僚

不書闔廬弑其君者為季子諱明季子不忍父子兄

弟自相殺讓國闔廬欲其享之故為沒其罪也不舉專諸弑者起闔廬當國賤者不得貶無所明又方見為季

子諱本不出賊以除闔廬罪雖可貶猶不舉月者非失眾見弑故不略之

楚殺其大夫

郤宛秋晉士鞅宋樂祁犁衛北宮喜曹

人邾婁人滕人曾下盧冬十月曹伯卒
邾婁快來奔邾婁快者何邾婁之大夫也
邾婁無大夫比何以書以近書也論其鼻公
如齊公至自齊居于運我同義

二十有八年春王三月葬曹悼公月者為公

如晉次于乾侯乾侯晉地名月者閔公內為強臣所逐外如晉不見答次于乾侯不諱者

憂危不暇殺後夏四月丙戌鄭伯甯卒六月

葬鄭定公秋七月癸巳滕子甯卒冬葬滕

悼公

二十有九年春公至自乾侯居于運不致以

公羊十一齊侯使高張來唁公言不者晉運從國

見咨于晉齊侯使高張來唁公內辭書之如晉不

見答喜見唁也公如晉次于乾侯夏四月庚子

叔倪卒秋七月冬十月運潰邑不言潰此

其言潰何據國曰潰郭之也郭曰郭之郭之

君存焉爾昭公居之故從國言潰明罪在公也不

言潰也君存焉爾言國之言郭之者公矢國也不諱者貢

臣子當憂而紉之紉取不如致危也孔子曰不患寡而患不

均不患貧而患不妄其本乃由于圍成失大得小而不能即用

三十一年春王正月公在乾侯月者閔公運潰無尺

以存君書明臣夏六月庚辰公運潰無尺侯去疾卒秋

八月葬晉頃公冬十有二月吳滅徐徐子

章禹奔楚

至此乃月者所見始錄春秋滅小國也

三十有一年春王正月公在乾侯季孫隱

如會晉荀欒于適歷時晉侯使荀欒責季氏不

捶謝過欲納昭公昭公創惡季氏不敢入公出奔在外無

君命所以書會而殊外言來者從王魯錄諱亟取邑卒大

夫者盈夏四月丁巳薛伯穀卒始卒便名日書葬

後定寅晉侯使荀欒唁公于乾侯秋葬薛

獻公冬黑弓以濫來奔文何以無邾婁讀

言邾通濫也使通濫為國故曷為通濫據庶其賢

者子孫宜有地也賢者孰謂謂叔術也術

者邾婁顏公之弟何賢乎叔術不書讓國也

其讓國柰何當邾婁顏之時顏公邾婁女

有為魯夫人者則未知其為武公與懿公

與孝公幼不知孝公者邾婁顏淫九公子于宮

中所與淫公因以納賊則未知其為魯公子

與邾婁公子與臧氏之母養公者也君幼

則宜有養者大夫之妾士之妻禮則未知

臧氏之母者曷為者也養公者必以其子

入養不離人母子臧氏之母聞有賊以其子易

公抱公以逃以身死公則可以其子易公非事夫之賊

至湊公寢而弑之弑臧氏子也臣有

鮑廣父與梁買子者聞有賊趨而至臧氏

太司三十一

公羊十

癸丑重刊

二十二

陳浩

之母曰公不死也在是吾以吾子易公矣於

是負孝公之周許天子天子為之誅顏而

立叔術反孝公于魯顏夫人者姬盈女也

國色也其言曰有能為我殺殺顏者吾為

其妻殺顏者鮑廣父梁買子也婦人以貞一為行六爾非也叔術為之殺殺

顏者而以為妻利其色也有子焉謂之盱夏父

者其所為有於顏者也為顏公夫人時盱幼而所為顏公生也

皆愛之叔術姬盈女皆愛盱食必坐二子於其側而食

之有珍怪之食珍怪猶奇異也盱必先取足焉夏父

曰以來猶曰以彼物來置我前人未足人謂也而盱有餘言

大言五十五小言二十公羊十黃珍

所得常多叔術覺焉覺悟也知小爭食長必爭國易曰君子見幾而作六幾其神乎幾者

動之微者事之先見曰嘻此誠爾國也夫起而致國于

夏父夏父受而中分之叔術曰不可三分

之叔術曰不可四分之叔術曰不可五分

之然後受之五分受其一公扈子者邾婁之父兄

也當夫子作春秋時於邾婁君為父兄之行公扈者氏也習乎邾婁之故故事也道

所以言也其言曰惡有言人之國賢若此者乎惡有

猶何有寧有此之類也言賢者誅顏之時天子死

叔術起而致國于夏父言叔術本欲讓邾有誅顏天子在爾故天子死則讓

無妻嫂感見爭食之事當此之時邾婁人常被兵于周

曰何故死吾天子

猶曰何故死畜吾天子違生時命而立夏父乎此天子死則讓之效

也夫子本所以如上傳賢者惡少功大也猶律一人有數罪以重者論之春秋滅不言入是也案叔術妻嫂雖有過惡當絕身無死刑當以殺殺顏者為重宋繆公以反國與夷除馮弒君之罪死乃反國不如生讓之大也馮殺與夷亦不輕于殺殺顏者比其罪不足而功有餘故得為賢傳復記公宦子通濫言者欲明夫子本以上傳通之故公宦子有是言

則文何以無邾婁

括國未有口繫于人

天下未有濫也

欲見天下實未有濫國春秋新通之爾故口繫于邾婁

天下未有濫則其言

以濫來奔何

據上說天下實未有濫者言春秋新通之也春秋新通之君文成矣不言濫黑

弓來奔而反與大夫竊弓來奔同文

叔術者賢大夫也絕之則為

叔術不欲絕不絕則世大夫也

此解不言濫黑弓意叔術者賢大夫

也如不口繫邾婁文言濫黑弓來奔則為叔術賢心不欲自絕于國又觸天下實有濫無以起新通之文不可設也如口不絕

四五小

公羊十

二四

邾婁文言濫黑弓來奔則嫌氏邑起本邾婁世大夫春秋口繫通之文亦不可施

大夫之義不

得世故於是推而通之也

推猶因也因就大夫竊邑奔文通之則大夫不

世叔術賢心不欲自絕兩明矣主書者在春秋前見王者起當追有功顯有德與滅國繼絕世

十有二月

辛亥朔日有食之

是後昭公死外皆大夫專執楚犯中國圍蔡也

三十有二年春王正月公在乾侯取闞闞者

何邾婁之邑也曷為不繫乎邾婁諱亟也

與取濫為亟

夏吳伐越秋七月冬仲孫何忌會晉

韓不信齊高張宋仲幾衛世叔申鄭國參

曹人莒人邾婁人薛人杞人小邾婁人城

成周

書者起時善其脩廢職有尊尊之意也孔子曰謹權量審法度脩廢官四方之政行焉言成周者起

正居實 十有二月己未公薨于乾侯

春秋公羊傳第十

經四十九百一十二字
注六千七百五十七字

小五
十八

公羊十

二十五

春秋公羊經傳解詁定公第十一

何休學

元年春王定何以無正月據莊公雖不書正月者即位猶書正月

正即位也諱侯之即位定無正月者即位後

也雖書即位於六月實當如莊公有正月今無正月者昭公出奔國當絕定公不得繼體奉正故諱為微辭使若即位正在

月後故不即位何以後正即位昭公在外

得入不得入未可知也曷為未可知據已稱元年

在季氏也今季氏迎昭公喪而事之定公得定哀多

微辭微辭即下德所言者是也定公有王無正月不務主

人習其讀而問其傳讀謂經傳謂訓詁主人謂定公言主人者能為主入皆當

大百六一

公羊十一

一

陳英

為微辭非則未知己之有非焉爾此假設而言之

設使定哀習其經而讀之問其傳則一知己之有罪於三

月云日人執宋仲幾于京師仲幾之罪何據言于京

辭成伯討不蓐城也若今以草衣城尋也禮諸侯為天子

其言于京師何據城言成伯討也大夫不得專執

伯討例故地以京師明以伯討則其稱人何據城稱

天子事執之得伯討之義伯討則其稱人何據城稱

侯伯執不稱人也復發此難者弟子貶以非伯討故曷為

貶據晉侯伯執稱不與大夫專執也曷為不與

討伯實與言于京而文不與文不與者貶文曷

為不與大夫之義不得專執也大夫不得專相執辟諸侯也不

言歸者諸侯當決於天子犯之惡甚故錄所歸大夫當決王獄爾犯之罪從外小惡不復別也無例不在常書又月者善為天子執之

夏六月癸亥公之喪至自乾侯至自乾侯者非公事

齊不專中云之晉竟不見容死于乾侯戊辰公即位癸亥公之喪

至自乾侯則曷為以戊辰之日然後即位

據癸亥得正棺於兩楹之間然後即位正棺者象既小

斂夷於堂昭公死於外不得以君臣禮治其喪故示盡始死之禮禮始死于北牖下浴於中霽斂於櫛下小斂於戶內

夷於兩楹之間大斂於阼階殯於四階之上袒于庭葬於墓奪孝子之恩動以遠也禮天子五日小斂七日大斂諸侯三

日小斂五日大斂卿大夫二日小斂三日大斂夷而經殯而成服故戊辰然後即位凡喪三日擯子杖五日授大夫杖七

日授士杖童子婦人子沈子曰定君乎國定昭公之喪禮於國

然後即位即位不日此何以日據即位皆不日錄乎

內也內事詳錄善得五日變禮或說危不得以秋七月

癸巳葬我君昭公九月大雩定公得立尤喜而不恤民之應立

煬宮煬宮者何煬公之宮也煬公也者何立者不冝一也立煬宮非禮也不日嫌

復問立也不日者所見之出諱深使若比武宮惡愈故不日冬十月雪負霜殺菽

何以書記異也菽大豆時獨殺菽此災菽也曷

為以異書以無災之田異大乎災也異者所以為人戒也重異不重

災君子所以貴教也而賤刑罰也周十月夏八月微霜用事

未可殺菽菽者少類為稼強季氏家也是時定公喜於得位

而不念父黜逐之恥斥為淫祀立煬宮故天示以當早誅季氏

二年春王正月夏五月壬辰雉門及兩觀

大百五十五 公羊十一 二 隗真

災其言雉門及兩觀災何不据相宮雉宮災不言及

間其文問之故兩觀微也雉門兩觀皆天子之制門然

則曷為不言雉門災及兩觀据下新作雉門及

主災者兩觀也時災從主災者兩觀則曷為

後言之据欲使言兩觀災及其大夫孔父不以微及

大也何以書不復言雉門及兩觀災故但以書者上記

災也此卒為季氏所逐定公繼其後宜去其所以失之者故

月新作雉門及兩觀其言新作之何据俱一

如故脩大也天災之當減損如脩舊

不書此何以書据西官何譏爾不務乎

公室也務勉也不務公室亦可施于久不脩亦可施于不務

三年春王正月公如晉至河乃復月者內

秋葬邾婁莊公冬仲孫何忌及邾婁子盟

于技後相犯時者諱公使大夫盟又未踰年君

四年春王二月癸巳陳侯吳卒三月公會

劉子晉侯宋公蔡侯衛侯陳子鄭伯許男

曹伯莒子邾婁子頓子胡子滕子薛伯杞

伯小邾婁子齊國夏于召陵侵楚月而不舉

小三言廿 公羊十一 三 陳圻

一裘之故拘蔡昭公數年然後歸之諸侯雜然侵之會同最盛故善錄其行義兵也拘不書者惡蔡侯吝一裘而見拘執故匹夫之執歸不書者從執例夏四月庚辰蔡公孫歸姓帥師

滅沈以沈子嘉歸殺之為不書召陵故也不舉滅為重書以歸殺之者責不

死位也日者定哀滅例日定公承黜君之後五月公及

諸侯盟于浩油季言公者昭公數如晉不見答卒為

故喜錄之後楚復圍蔡不救不日者善諸侯能杞伯戊

卒于會盟不日與六月葬陳惠公許遷于容城

秋七月公至自會卒月者為下劉卷劉卷卒劉卷

者何天子之大夫也外大夫不卒此何以

卒我主之也劉卷即上會劉子也王之者因上王魯文

言劉卷者主起以大夫卒之也天子也不日者葬杞悼

公楚人圍蔡復蔡死歸人者楚為無道拘蔡昭公數年而

晉士鞅衛孔圉帥師伐鮮虞葬劉文公外

大夫不書葬此何以書錄我主也其實以主我

爾舉采者禮諸侯入為天子大夫更采地於京師天子使大

夫為治其國有功而卒者當益封其子時劉卷以功益封故不

以故國而以采地書葬起其事因冬十有一月庚午

蔡侯以吳子及楚人戰于柏莒楚師敗績

吳何以稱子稱滅徐夷狄也而憂中國言子起

言以明為蔡故也其憂中國奈何伍子胥父誅

乎楚挾弓而去楚挾弓者懷格意也禮天子離弓以

與相十四年同諸侯形弓大夫嬰弓士盧弓

干闔廬不待禮見曰干欲闔廬曰士之甚言其以

甚勇之甚將為之興師而復讎于楚伍子

胥復曰諸侯不為匹夫興師必須因事者其義

以匹夫與師討謂且臣聞之事君猶事父也虧

君之義復父之讎臣不為也於是止蔡昭

公朝乎楚有美裘焉囊瓦求之昭公不與

為是拘昭公於南郢數年然後歸之於其

歸焉用事乎河時北如晉請曰天下諸侯苟

有能伐楚者寡人請為之前列楚人聞之

怒見侵後聞蔡為是興師使囊瓦將而伐蔡

六二八十七公羊十一五王全

蔡請救于吳伍子胥復曰蔡非有罪也楚

人為無道君如有憂中國之心則若時可

矣猶曰若是非可與師於是興師而救蔡不書與

矣激發初欲與師意於是不與之也者舉君為畜子胥不見於經得為善者以吳義文得為之

曰事君猶事父也此其為可以復讎奈何

曰父不受誅不受誅罪子復讎可也孝經曰資

事君而敬同本取事父之敬以事君而父以無罪為君所殺諸

侯之君與王者異於義得去君臣已絕故可也孝經云公於事

父以事母莊公不得報讎文姜者母所生雖輕於父父受誅

子復讎推刃之道也子復讎非當復討其復讎

不除害取讎身而已不得兼讎子復將恐害已而救之

昭王雖可得殺不除去朋友相衛同門曰朋同志曰友相衛不使

大夫君臣言朋友者闔廬本以朋友之道為子胥復讎孔子曰

益者三友損者三友友直友諒友多聞益矣友便辟友善柔友

便佞而不相詢詢出表辭猶先也不當先古之道也

楚囊瓦出奔鄭庚辰吳入楚吳何以不稱

子據狄人盟于邢反夷狄也其反夷狄奈何君

舍于君室大夫舍于大夫室蓋妻楚王之

母也舍其室因其婦人為

五年春王正月辛亥朔日有食之是後臣恣

國實宋五夏歸粟于蔡孰歸之諸侯歸之曷

為不言諸侯歸之據齊人來歸至不可得而

序故言我也時為蔡新被疆楚之於越入吳於

越者何越者何嫌兩國於越者未能以其

名通也越者能以其名通也越人自名於越君

有與能與中國通者以中國之辭言之曰越治國無狀不能與

中國通者以其俗辭言之因其俗可以見善惡故云爾赤狄以

赤進者狄於北方摠名赤有共別與越異也吳新六月丙

申季孫隱如卒仲遂以貶起弒是不貶著其逐君者

師圍鮮虞

六年春王正月癸亥鄭游遨帥師滅許以

許男斯歸二月公侵鄭月者內有疆臣之讎不

能討而外結怨故危之公

至自侵鄭夏季孫斯仲孫何忌如晉秋晉人執宋行人樂祁犁冬城中城季孫斯仲孫忌帥師圍運此仲孫何忌也曷為謂之仲孫忌譏二名二名非禮也為其難諱也一字為名令難言而易

諱所以長臣子之敬不逼下也春秋定哀之間文致大平欲見王者治定無所復為譏唯有二名故譏之此春秋之制也

七年春王正月夏四月秋齊侯鄭伯盟于

鹹齊人執衛行人北宮結以侵衛齊侯衛

侯盟于沙澤大雩先是公侵鄭城中城季孫斯仲孫忌如晉圍運費重不恤民之

應齊國夏帥師伐我西鄙九月大雩承前費重

不恤民又重之以齊師伐我我自救之役冬十月

公羊十一 癸丑重刊 七 張友

八年春王正月公侵齊公至自侵齊二月

公侵齊三月公至自侵齊出入月者內有疆臣之讎外犯疆齊再出尤危

於侵鄭故知入亦當蒙上月曹伯露卒夏齊國夏帥師伐我

西鄙公會晉師于瓦公至自瓦此晉趙鞅之師也但言晉師者

君不會大夫之辭也公會大夫不別得意雖得意不致此致者諱公為大夫所會故使若得意者秋七月

戊辰陳侯柳卒晉趙鞅帥師侵鄭遂侵衛

葬曹靖公九月葬陳懷公季孫斯仲孫何

忌帥師侵衛冬衛侯鄭伯盟于曲濮從祀

先公從祀者何順祀也復文公之逆祀文公逆祀去

者三人諫不從而去之定公順祀叛者五人諫不以禮而去曰叛去與

叛皆不書者微也不書禘者後拾亦順非獨禘也言祀者無已長久之辭不言僖公者閔公亦得其順盜竊寶

王大弓盜盜者孰謂微而竊大可謂陽虎也陽

虎者曷為者也季氏之宰也季氏之陪臣為政者季氏

之宰則微者也惡乎得國寶而竊之陽虎

專季氏季氏專魯國陽虎拍季孫季氏逐昭公之後取

其寶玉藏於其家陽虎拘季孫奪其重孟氏與叔孫氏

迭而食之賊而毀其板饋以爪刻其板曰某月某

日將殺我于蒲圃力能救我則於是於是至

乎日若時而出臨南者陽虎之出也御之

為季孫御於其乘焉季孫謂臨南曰以季氏之

世世有子言我季氏累世有女以為臣子可以不免我死乎

以義責之臨南曰有力不足臣何敢不勉陽越者

陽虎之從弟也為右為季孫直衛之諸陽之從者

車數十乘至于孟澗孟氏備四達臨南投策

而墜之策馬也見二家迭食之欲將季孫由孟陽越

下取策臨南駮馬街走而由乎孟氏陽虎從

而射之矢著于莊門莊門孟氏所入門名言幾然

而甲起於琴如甲公欽處公所創也琴如地名弑不

成却反舍于郊皆說然息說解舍或曰弑于

乘之主時季氏邑至於千乘而不克舍此可乎嫌其近而無所依

大二十三四

公羊十一

八

永

陽虎曰夫孺子得國而已

得免專國家而已

如丈夫

何

如猶奈也丈夫大人稱也

我而曰彼哉彼哉

望見公斂處父師而曰彼哉彼

者曰遠志

趣駕

使疾

既駕公斂處父帥師而

至

公斂處父孟氏叔孫氏將兵之稱

懂然後得免自是走之晉寶

者何璋判白

判半也半圭曰璋白藏天子青藏諸侯魯得郊天女錫以白不言璋言玉者起陸鮮

璋黃

璋五玉盡亡之也傳璋者所以郊事天尤重詩云奉璋以告鬯鬯士依恒是也璋珪以聘璋以發兵璋以發衆

璋以弓

編質

質拊也言大者力千斤

龜青純

純綠也謂綠甲類也千歲之龜青稱明于

吉凶易曰定天下之吉凶成天下之亹亹者莫善乎蓍龜經不言龜者以知從寶省文謂之寶者世世保用之辭此皆

魯始封之也言取而言竊者上名也定公從季孫假馬孔子曰君之於一有取無假而君臣之義立主書者定公失政權移

陪臣治其尊卑喪其五玉無以合信天子交質諸侯當絕之不書拘季孫者與五玉為重書大弓者使若都以國寶書微辭也

公羊十一

公羊十一

九

李泉

九年春王正月夏四月戊申鄭伯嚙卒得

寶玉大弓何以書國寶也喪之書得之書

微辭也使若以重國寶故書不以罪定公者其實失之當坐得之當除以竊寶不月知得例不蒙上月六月葬

鄭獻公秋齊侯衛侯次于五氏

欲伐魯也善魯能却難早故書

次而去秦伯卒冬葬秦哀公

十年春王三月及齊平

月者類谷之會齊侯欲執定公故不易

夏

公會齊侯于類谷公至自類谷

上平為類谷之會不易故月致

地者類谷之會齊侯作儒之樂欲以執定公孔子曰四夫而熒惑於諸侯者誅於是誅侏儒侏儒首足異處齊侯大懼曲節

從教得意晉趙鞅帥師圍衛齊人來歸運謹

龜陰田齊人曷為來歸運謹龜陰田

據齊嘗取魯邑

孔子行乎季孫三月不違

孔子仕魯政事行乎季孫三月之中不見

違過是違之也不言政行齊人為是來歸之

齊侯自

歸謂晏子曰寡人獲過於魯侯如之何晏子曰君子謝過以質小人謝過以文齊昔侵魯四邑請皆還之歸濟西田不言來此其言來也已絕魯不應復得故從外來常文與齊人叔來歸衛質同夫子雖欲不受定公貪而受之此違之驗叔

孫州仇仲孫何忌帥師圍郕秋叔孫州仇

仲孫何忌帥師圍費宋樂世心出奔曹宋

公子池出奔陳冬齊侯衛侯鄭游邀會于

鞏叔孫州仇如齊宋公之弟辰暨宋仲佗

石彊出奔陳

復出宋者惡仲佗悉欲帥國人去故舉國

言暨者明仲佗強與俱出也三

大夫出不用者舉國危亦見矣

公羊十一

十

李杲

十有一年春宋公之弟辰及仲佗石彊公

子池自陳入于蕭以叛

不復言宋仲佗者本舉國已明矣辰言及者後汲汲

當坐

夏四月秋宋樂世心自曹入于蕭

不言叛者從叛

臣叛冬及鄭平叔還如鄭莅盟

十有二年春薛伯定卒

不日月者子無道當廢之而以爲後未至二年

失衆見弑危社稷宗廟禍端在定故略之

夏葬薛襄公叔孫州仇帥

師墮郕衛公子孟彊帥師伐曹季孫斯仲孫

何忌帥師墮費曷為帥師墮郕帥師墮費

據城

孔子行乎季孫三月不違曰家不藏甲

邑無百雉之城於是帥師墮郕帥師墮費

邠叔孫氏所食邑費季氏所食邑二大夫宰吏數叛患之以問孔子孔子曰三陪臣執國命采長數叛者坐邑有城池之固家有甲兵之藏故也季氏說其言而墮之故君子時然後言人不厭其言書者善定公任大聖復古制弱臣勢也不書去甲者舉墮城為雉者河五板而堵凡八尺曰板堵五堵而雉凡一百

百雉而城二萬尺凡周十一里三十三步二尺公侯之制也禮天子千雉蓋受百雉之城十伯七十雉子

男五城天子周城諸侯軒秋大雩不能事事信用冬

十月癸亥公會晉侯盟于黃十有一月丙

寅朔日有食之是後薛弒其君比晉荀寅公至自

黃十有二月公圍成公至自圍成成仲孫氏

又致有天子不親征下土諸侯不親征叛邑公親圍成不能服不能以一國為家甚危若從他國來故危錄之

十有三年春齊侯衛侯次于垂瑕夏築蛇

公羊十一

十一

公羊十一

淵圍大蒐于比蒲衛公孟驅帥師伐曹欽

晉趙鞅入于晉陽以叛冬晉荀寅及士吉

射入于朝歌以叛晉趙鞅歸于晉此叛也

其言歸河括與出以地正國也軍以井比立其數故言以地

以地正國奈河晉趙鞅取晉陽之甲以逐

荀寅與士吉射荀寅與士吉射者曷為者

也君側之惡人也此逐君側之惡人為為

以叛言之無君命也無君命者操兵鄉國故初謂之叛後知其意欲逐君側之惡人

故錄其釋兵書歸赦之君子誅意不誅事薛弒其君比

晉陽之甲者趙簡子之邑以邑由甲逐之

十有四年春衛公叔戌來奔晉趙陽出奔

宋三月辛巳楚公子結陳公子佗人帥師

滅頓以頓子牂歸不別以歸向國者明楚陳以滅頓子為重頓子以不死位為重夏

衛北宮結來奔五月於越敗吳于醉李者

為下卒出吳子光卒公會齊侯衛侯于堅公至自

會秋齊侯宋公會于洮天王使石尚來歸

脰石尚者何天子之士也天子之士以名氏通脰者何

俎實也實俎肉也腥曰脰熟曰燔禮諸侯朝天子助祭於宗廟然後受

歸之故書以譏之衛世子蒯聩出奔宋主書者子雖見

逐無去父之義衛公子孟彊出奔鄭宋公之弟辰自蕭

來奔大蒐于比蒲譏亟邾婁子來會公者

大二十九年十一月公羊十一余實

非邾婁子會人於都也如入人郛當脩朝禮古者諸侯將朝天子必先會間隙之地考德行一刑法講禮義正文章習事

天子之儀尊京師重法度城莒父及霄去冬者是歲蓋孔子由大司寇

攝相事政化大行粥羔肫者不飾男女異路道無拾遺齊懼北面事魯饋女樂以間之定公聽季桓子受之三日不朝當

坐淫故敗之歸女樂不書者本以淫受之故深諱其本又三日不朝孔子行魯人皆知孔子所以去附嫌近害雖可書猶

不書或說無冬者坐受女樂令聖人去冬陰臣之象也

十有五年春王正月邾婁子來朝麇鼠食

郊牛牛死改卜牛曷為不言其所食据食漫也漫者編食其身災不敬也不舉牛死為重復舉食者內災甚矣錄內不言火是也二月辛丑

楚子滅胡以胡子豹歸夏五月辛亥郊曷為以夏五月郊据魯郊正當卜春三正又養牲不過三月三卜之運

也運轉也巳卜春三正不吉復轉卜夏三月周五月得二吉故五月郊也易曰再三瀆瀆則不告不得其事雖言猶不當為

也不舉卜者從可知 壬申公薨死于高寢鄭軒達帥師伐

宋齊侯衛侯次于蘧篠邾婁子來奔喪其

言來奔喪何居會葬以禮書歸奔喪非禮也但解

者明言來者常文不為早晚施也禮天子崩諸侯奔喪會葬諸

侯薨有服者奔喪無服者會葬邾婁與魯無服故以非禮書禮

有不弔者三兵死壓死溺死 秋七月壬申妣氏卒妣氏者何

哀公之母也即定公之妾子何以不稱夫人

据母以子貴 哀未君也未踰年八月庚辰朔日有食

之是後衛蒯積犯父命益殺九月滕子來會葬葬丁

巳葬我君定公雨不克葬戊午日下具乃

克葬具是也辛巳葬定妣定妣何以書

葬据不稱小君未踰年之君也哀未踰年也母以子貴故以子正之有

子則廟廟則書葬如未踰年君之禮稱諡者方當踰年稱夫人曾子問曰並有喪

則如之何何先何後孔子曰葬先輕而冬城漆

春秋公羊卷第十一經二千四百六十二字注四千二百八十七字

春秋公羊經傳解詁哀公第十二

何休學

元年春王正月公即位楚子陳侯隨侯許

男圖蔡

隨微國稱侯者本爵俱侯土地見侵削故微爾許男者戎也前許男斯見滅以歸今戎復

見者自復斯不死位自復無惡文者從滅以歸可知

麤鼠食郊牛

災不敬故

卜牛夏四月辛巳郊秋齊侯衛侯伐晉冬

仲孫何忌帥師伐邾婁

邾婁子新來奔喪伐之不諱者期外恩殺

惡輕明當與根牟有差

二年春王二月季孫斯叔孫州仇仲孫何

忌帥師伐邾婁取漵東田及沂西田

漵沂皆水名邾

二三月三天

公羊十二

癸丑重刊

一

吳申

婁子來奔喪取其地不諱者義與上同

癸巳叔孫州仇仲孫何忌及

邾婁子盟于句繹

所以再出大夫名氏者季孫斯不與盟

夏四月丙

子衛侯元卒滕子來朝晉趙鞅帥師納衛

世子蒯聵于戚戚者何衛之邑也曷為不

言入于衛

据弗克納未入國文言納于邾婁納者入辭故傳言曷為不言入于衛

父有

子子不得有父也

明父得有子而廢之子不得有父之所有故奪其國文正其義也不

賤蒯聵者下曼姑圍戚無惡文嫌曼姑可為輒誅其父故明不得也不去國見挈者不言入于衛不可醇無國文輒出奔

不書者不責拒父也主書者與頓子同

秋八月甲戌晉趙鞅帥師

及鄭軒達帥師戰于栗鄭師敗績冬十月

葬衛靈公十有一月蔡遷于州來

畏楚也州來吳所滅

蔡殺其大夫公子駟

稱國以殺者君殺大夫之辭稱公子者惡失親也

三年春齊國夏衛石曼姑帥師圍戚齊國

夏曷為與衛石曼姑帥師圍戚

據晉趙鞅以地正國加叛文今

此無加文故問之

伯討也

方伯所當討故使國夏首兵

此其為伯討奈何

曼姑受命乎靈公而立輒

靈公者蒯輒之父

以曼姑

之義為固可以距之也

曼姑無惡文者起曼姑得拒之曼姑臣也拒之者上

為靈公命下為輒故義不可以子誅父故但得拒之而已傳所以曼姑解伯討者推曼姑得拒之則國夏得討之明矣不言圍

衛者順上文辟圍輒輒者曷為者也蒯輒之子也然則曷

為不立蒯輒而立輒

行

中善道

靈公逐蒯輒而立輒然則輒之義可以

小三十四大二三

公羊十二

癸丑重刊

二

公羽定

立乎

輒之義不可以拒父故但問可立與不

曰可其可奈何不以父

命辭王父命

不以蒯輒命辭靈公命

以王父命辭父命

辭猶不從

是父之行乎子也

是靈公命行乎蒯輒重本尊統之義

不以家事

辭王事

以父見廢故辭讓不立是家私事

以王事辭家事

聽靈公命立者

是王事公法也

是上之行乎下也

是王法行於諸侯雖得正非義之高者也故冉有曰夫子

為衛君乎子貢曰諾吾將問之入曰伯夷叔齊何人也曰古之賢人也曰怨乎求仁而得仁又何怨出曰夫子不為也主書者

善伯討

夏四月甲午地震

此象季氏專政蒯輒犯父命是後蔡大夫專相放盜殺蔡

侯申辟伯晉而京師楚黃池之會吳大為主

五月辛卯相宮僖宮災此

皆毀廟也其言災何

據禮親過高祖則毀其廟

復立也曷

為不言其復立

據立武宮言立

春秋見者不復見也

謂內所改作也哀自立之何以不言及善惡獨在哀故得省文及兩難敵也

親過高祖何以書上已問此皆毀廟其言災言災也

親疏適等何以書何故不復連相宮僖宮言災也

災不立季孫斯叔孫州仇帥師城開陽宋樂

鬣帥師伐曹秋七月丙子季孫斯卒蔡人

放其大夫公孫獵于三蔡人曰惡大夫驕蹇冬

十月癸卯秦伯卒哀公著治太平之終小國卒叔孫

州仇仲孫何忌帥師圍邾婁

四年春王三月庚戌盜弑蔡侯申弑君賤

者窮諸人此其稱盜以弑何君處曰稱人賤乎

賤者也賤於稱賤乎賤者孰謂謂罪人也

三令三王公羊十一

罪人著未加刑也蔡侯近罪人卒逢其禍故以為蔡公孫

辰出奔吳葬秦惠公宋人執小邾婁子夏

蔡殺其大夫公孫歸姓公孫霍晉人執或

曼子赤歸于楚赤者何欲以為我曼子名則晉人

歸言微者則不當書故以不知問也戎曼子之名也其言歸于

楚何人不言歸于宋子北宮子曰辟伯晉而京

師楚也此解名而言歸意也前此是比滅頓胡諸侯由是

置晉人執戎曼子不歸天子而歸于楚而不名而言歸則

與伯執歸京師同文故辟其文而名之使若晉非伯執京師楚則

蒲社災蒲社者何社不言蒲亡國之社也

蒲社者先世之社者封也封土其言災何指封土非

亡國之社蓋揜其上下而柴其下故火得

柴之者絕不得使通天蒲社災何以書記災也

地四方以為有國者戒戒社者先王所以威示教戒諸侯使事上也災者象諸侯

昔天子是後宋事疆吳齊晉前驅滕薛俠轂魯衛驂乘故王教滅絕云爾秋八月甲寅滕子結卒冬十有

二月葬蔡昭公賊已討故書葬也不書討賊葬滕

頃公

五年春城比夏齊侯伐宋晉趙鞅帥師伐

衛秋九月癸酉齊侯處曰卒冬叔還如齊

閏月葬齊景公閏不書此何以書據楚子昭

公羊十一

四

二十七王才

喪以閏數也謂喪服大功以下諸喪曷為以閏數

摺卒不喪數略也略猶殺也以月數

六年春城邾婁城者取之也不言取者魯數圍取制

不知是有夷狄之行故諱之明惡甚晉趙鞅帥師伐鮮虞吳伐陳

夏齊國夏及高張來奔叔還會吳于祖

秋七月庚寅楚子軫卒齊陽生入于齊

齊陳乞弒其君舍弒而立者不以當國之

辭言之此其以當國之辭言之何據齊公子

君舍而立為諼也此其為諼奈何問其景公

謂陳乞曰吾欲立舍何如陳乞曰所樂乎

為君者欲立之則立之不欲立則不立貴自專也

君如欲立之則臣請立之陳乞欲拒言不可陽

生謂陳乞曰吾聞子蓋將不欲立我也陳

乞曰夫千乘之主將廢正而立不正必殺

正者晉世子申生是也吾不立子者所以生子者也走

矣教陽生走與之玉節而走之節信也析玉與陽生留其半為後當迎之合以為信

防稱矯也奔不書者未命為嗣景公死而舍立陳乞使人迎陽

生于諸其家于諸寘也齊人語也除景公之喪期而小祥服期者除

諸大夫皆在朝陳乞曰常之母常陳乞子重難言其妻故云爾

有魚菽之祭齊俗婦人首祭事言魚豆者示薄陋無所有願諸大夫之

公羊十二 癸丑重刊 一五 陳浩

化我也言欲以薄陋餘福共宴飲諸大夫皆曰諾於是皆之

陳乞之家坐陳乞曰吾有所為甲甲鎧請以示

焉諸大夫皆曰諾於是使力士舉巨囊而

至于中霤巨囊大囊中諸大夫見之皆色然而

駭色然驚駭貌開之則闖然闖出頭貌公子陽生也陳

乞曰此君也已諸大夫不得已皆逡巡北

面再拜稽首而君之爾時舍未能得眾而陽生本正當立諸大夫又見力士

知陳乞有備故不得已遂君之自是往弒舍陽生先詐致諸大夫立於陳乞家然後往弒舍故先

書當國起其事也乞為陽生弒舍不舉陽生弒者諉成于乞也不日者與卓子同冬仲孫何忌

帥師伐邾婁宋向巢帥師伐曹

七年春宋皇瑋帥師侵鄭 晉魏曼多帥

師侵衛夏公會吳于郟秋公伐邾婁八月

己酉入邾婁以邾婁子益來入不言伐此

其言伐何入為重內辭也若使他人然諱獲

故不舉重而兩書使若魯公伐而邾婁子益何以

名括以隗子絕曷為絕之以歸俱獲也曷為不

言其獲據獲晉內大惡諱也故名以起之也日者

後獲之入不致宋人圍曹冬鄭駟弘帥師救曹

八年春王正月宋公入曹以曹伯陽歸曹

伯陽何以名據以隗子絕曷為絕之以歸俱滅也

曷為不言其滅據隗也諱同姓之滅也起之以何

諱乎同姓之滅據隗侯毀力能救之而不救也

諱之定哀滅例日此不日者諱使共不滅故不日吳伐我

不言鄙者起圍魯也夏齊人取讎及憚外取邑

不書此何以書所以賂齊也曷為賂齊據上

伐之文為以邾婁子益來也邾婁齊與國畏為齊所

自取歸邾婁子益于邾婁能歸不書此書者善魯

秋七月冬十有二月癸亥杞伯過

卒齊人歸讎及憚善者善魯能悔過歸邾婁子益

使若不從齊來與歸我濟西田同文

九年春王二月葬杞僖公宋皇瑆帥師取

鄭師于雍丘其言取之何浩詐戰言敗也易也其易

奈何詐之也詐謂陷阱奇伏之類兵者為征不義不為苟勝而已十三年詐反不月知此不蒙上

月疾略之爾夏楚人伐陳秋宋公伐鄭冬十月

十年春王二月邾婁子益來奔月者魯前獲而歸之今來

奔明當尤加禮厚遇之公會吳伐齊三月戊戌齊侯陽生

卒夏宋人伐鄭晉趙鞅帥師侵齊五月公

至自伐齊葬齊悼公衛公孟彊自齊歸于

衛薛伯寅卒卒葬略者與杞伯益姑同秋葬薛惠公冬楚

公子結帥師伐陳吳救陳救中國不進者陳吳與國救陳欲以備中國故不進

太二廿二小三廿文

公羊十二

七

黃冷

十有一年春齊國書帥師伐我夏陳袁頗

出奔鄭五月公會吳伐齊甲戌齊國書帥

師及吳戰于艾陵齊師敗績獲齊國書戰不言伐

舉伐者魯與伐而不與戰不從內與伐使吳為主者吳主會故不與夷狄主中國也言獲者能結口偏戰少進也秋七

月辛酉滕子虞母卒冬十有一月葬滕隱公

衛世叔齊出奔宋

十有二年春用田賦何以書據當賦稅為何書譏何

譏爾譏始用田賦也田謂一井之田賦者斂取其財物也言用田賦者若今漢家斂

民錢以田為率矣不言井者城郭里巷亦有井嫌悉賦之禮稅民公田不過什一軍賦十井不過一乘哀公外慕彊吳空

盡國儲故復用田賦過什一夏五月甲辰孟子卒孟子者

何据魯大夫無孟子昭公之夫人也其稱孟子何据夫

人其諱娶同姓蓋吳女也禮不娶同姓其姓則卜之為同宗共

祖亂人倫與禽獸無別昭公既娶諱而謂之吳孟子春秋不繫吳者禮婦人繫姓不繫國雖不諱猶不繫國也不稱

夫人不言薨不書葬者深諱之公會吳于橐臯秋公會衛侯

宋皇瑋于運宋向巢帥師伐鄭冬十有二

月蠆何以書記異也何異爾不時也蠆者與陰殺俱藏周

十二月夏之十月不當見故為異比年再蠆者天不能殺地不能埋自是之後天下大亂莫能相禁宋國以二齊并於陳氏晉

分為六卿

十有三年春鄭軒達帥師取宋師于岳其

言取之何易也其易柰何詐反也前宋行詐取鄭師今鄭復

以昭于

公羊十二

八

黃

行詐取之苟相報償不以君子正道故傳言詐反及猶報也夏許男戎卒比陳蔡不當復卒故

卒葬公會晉侯及吳子于黃池吳何以稱子

据救陳稱國吳主會也以言及也時吳疆而無道敗齊臨菑乘

俠穀而趨以諸夏之眾冠帶之國反背天子而事夷狄恥甚不可忍言故深為諱辭使若吳大以禮義會天下諸侯以尊事天子故進吳主會則曷為先言晉侯据申之會楚不稱子

與夷狄之主中國也明其實自以夷狄之疆會諸侯爾不行禮義故序晉於上

其言及吳子何据鍾離之會殊會吳不言及僖五會

兩伯之辭也晉序上者主會文也吳言及者亦人往為

當見不可醇奪政張兩伯辭先晉言及吳子使若晉主會為伯吳亦主會為伯半拆半起以奪見其事也語在下

不與夷狄之主中國則曷為以會兩伯之

辭言之括伯重吳也其實重在吳故言及曷為重

吳括常吳在是則天下諸侯莫敢不至也以

六國尚猶汲汲於吳則諸侯莫敢不至也不書諸侯者為

微辭使若天下盡會之而魯侯蒙恰會之於惡愈齊相兼舉

遠明近此但舉大者非尊天子故不焚公子中帥師伐

陳於越入吳秋公至自會有恥致者晉魏多帥

師侵衛此晉魏曼多也曷為謂之晉魏多

擢上七年譏二名二名非禮也復就晉見者明先

言曼多人當先正人以帥小葬許元公九月蠋先是田賦又冬十有

一月有星孛于東方孛者何彗星也其言

于東方何擢北斗見于旦也旦者日方出時宿不復何

以書記異也周十一月九月日江房心房心天子明堂

治典法滅絕之象是後同室遂微次且殺陳夏彊夫十

有二月蠋重頌池之會費

十有四年春西狩獲麟何以書記異也何

異爾非中國之獸也然則孰狩之稱西言狩尊

名薪采者也西者擢狩言方也類賤人象也金主其艾而

主薪薪者薪采者則微者也曷為以狩言之

子諸侯乃言狩天王狩于河陽公狩于郎具也河陽冬言狩獲

大之也使若天曷為大之擢略為獲麟大之

也曷為為獲麟大之擢鶴鶴俱非中麟者仁

公羊十二 七 余安

獸也

狀如麕一角而戴肉設武備而不為害所以為仁也詩云麟之為靈昭昭也

有王者

則至

上有聖帝明王天下太平然後乃至尚書曰蕭韶九成鳳皇來儀擊石拊石百獸率舞神契曰德至鳥獸則鳳皇

麟

無王者則不至

辟害遠也當春秋時天下散亂一當至而至故為異

有以

告者曰有麇而角者孔子曰孰為來哉

孰為來哉

見時無聖帝則

反袂拭面涕沾袍

袍衣前襟也夫子素案圖錄知庶聖劉季當代周見薪采者獲麟知為其出何者麟者不精薪采者庶人燃火之意

此赤帝將代周居其位故麟為薪采者所執西狩獲之者從東方王於西也東卯西金象也言獲者六也言漢

姓卯金刀以兵得天下不地者天下異也二先是蠨盡冬踊慧金精瑞且置新之象夫子知其將有六國爭疆從橫

相滅之敗秦項驅除積骨流血之虐然後劉氏乃帝深閔民之離害甚久故豫泣也 顏淵死子

曰噫

噫咄

天喪予

我子

子路死子

曰噫

天祝予

五十五

公三十一

十

禮記

祝斷也天生顏淵子路為夫子 西狩獲麟孔子曰吾

道窮矣

加姓者重也麟有太平之符聖人之類時春得麟而死此亦天告夫子將沒之徵故云爾

秋何以始乎隱

據得麟

祖之所逮聞也

記高祖

以來事可及問聞知者猶曰我 所見異辭所聞異

辭所傳聞異辭

所以復發傳者益師以臣見恩此以君見恩嫌義異於所見之世臣子恩其君

父心厚故多微辭也所聞之世恩王父少殺故立傷宮不日武宮日 是也所傳聞之世恩高祖曾祖又殺故子亦卒不日子般卒日

也何以終乎哀十四年

據哀公

曰備矣

人道決三道備必止於麟

者欲見撥亂功成於麟猶堯舜之隆鳳皇來儀故麟於周為

異春秋記以為瑞明大平以瑞應為効也絕筆於春不書下

春秋

據以定 撥亂世

撥猶

反諸

正莫近諸

春

秋得麟之後天下血書魯端門曰趨作法孔聖沒周姬亡書

飛為赤鳥化為白書署曰演孔圖中有作圖制法之狀孔子仰推天命俯察時變却觀未來豫解無窮知漢當繼大亂

之後故作撥亂則未知其為是與其諸君子之法以授之

樂道堯舜之道與作傳者謙不敢斥夫子所為作意也堯舜當古歷象日月星辰

百獸率舞鳳皇來儀春秋亦以王次春上法天文四時具然後為年以歲授民時崇德致麟乃得稱太平道同者相稱德合者相友故曰未不亦樂乎堯舜之知君子也

樂道堯舜之道未不亦樂乎堯舜之知君子也

末不亦樂後有聖漢受命而王德如堯舜之知孔子為制作制春秋之義以俟

後聖待聖漢之以為法以君子之為亦有樂乎此也其樂貫於百王而不滅名與日月並行而不息

小二百廿二
六五七六
公羊十二
十一
言文通

春秋公羊第十二
經二千四十二字
注三千三百八十二字

凡一十二萬七百五十七字

經四萬四千八百四十四字
注七萬五千九百一十三字



圖書在版編目(CIP)數據

春秋公羊經傳解詁 / [漢]何休撰; [唐]陸德明音義
北京:北京圖書館出版社, 2003.5

(中華再造善本)

ISBN 7-5013-2042-X

I. 春… II. ①何… ②陸… III. ①中國—古代史—春秋時代—史籍 ②公羊傳—註釋 IV. K225.04

中國版本圖書館CIP數據核字(2003)第017337號

ISBN 7-5013-2042-X



9 787501 320424 >

書名 春秋公羊經傳解詁(全七冊)
著者 [漢]何休 撰 [唐]陸德明 音義

出版 北京圖書館出版社(100034 北京市西城區文津街七號)
發行 Tel:(010)66151313 Fax:(010)66174391

E-mail: Btsfxb@publicf.nlc.gov.cn

Website: www.nlcpress.com

造紙 華寶齋
印刷 杭州富陽古籍印刷廠

開本 八

印張 七〇

版次 二〇〇三年五月第一版第一次印刷

印數 一—五〇〇

書號 ISBN 7-5013-2042-X / K·503

定價 一六八〇圓

